

**LA CARRIERE DI ARNALT
E JÈ SCOMENÇADE CUL
E TAL PARTÛT CÔMUNIST**

**MA TAL CÔRS DE SÔ VITE AL
À MADRESSUDE UNE CUSSIENCE
FURLANE STRAORDENARIE**

Baracêt, prime di dut Furlan

La biografia

La triste notizia si è diffusa sabato 21 luglio: il Friuli ha perso il «campione» del suo autonomismo. Arnaldo Baracetti si è spento all'ospedale di Udine, a 81 anni per gli esiti di una grave e rara malattia che lo aveva colpito da tempo. L'ex parlamentare friulano, è stato fondatore del Comitato per autonomia e rilancio del Friuli, nel 2006. Nato a Rivolto (frazione di

Se cuant che al è muart sant Luîs Scrosop i gjornai liberai massonics a scriverin che «al pâr dal impussibil, ma cheste volte il filantrop al è un predi» («Il Friuli» dai 4 di avrîl dal 1884), vuê che al è muart Arnalt Baracêt tocje di che cheste volte il galantom furlan al è un ex comunista. Si sin cognossûts avonde, o vin fatiscetantis lotis in pro dal Friûl, de culture e de lenghe furlane. Arnald Baracêt cuant che al brincave una batae di fâ, nol molave e ti stave sot fint cuant che si rivave a un esit pusitif

La carriere di Baracêt e jè scomençade cul e tal partit comunista, ma lis ladrîs di Arnalt a jerin furlanis e tal còrs de sô vite chestis ladrîs a an butât e il nestri al à madressude une cussience furlane straordinarie. Forsit al à zovât ancje il taramot, come par tancj furlans, a ricjessi la glain de identitât fur-

batê pis e mans par che la leç di ricostruzion e fos ancje una leç di rinascite. Al tormentât il president Andreotti par che al tignis cont de vere realtât furlane, magari spietanlu di matine adore al dal barbîr. Baracêt al fo un dai prins a capi la impuartance di une rinascite culturâl dal Friûl e duncje si fasè garant des 125 mil firmis in pro de Universitât furlane e al fo propit lui a butâ ju chel biel articul 26 pe istituzion de universitât furlane che veve di diventâ «impres organic di svilup e di rinovament dai filons originai de culture, de lenghe, des tradizions e de storie dal Friûl». Cetantis voltis che si sin cjatâts insiemit cun Furtune, Bressan e Santuz tal palaç patriarcjâl a resonâ di rinascite e di ricostruzion dal Friûl. Baracêt al jere simpri il prin a dâsi drenti. E ancje daspò pe leç in pro des lenghis des minorancis lenghisticis al fo simpri in prime linie. E cuant che finalmentri la leç 482 e rivâ insomp o lerin insiemit al Parlament a dâ l'ultin sbûrt al Senât. E ancje daspò par fâ jentrâ il furlan te Rai ce tantis voltis ju a Rome, dibant magari, e lui a tirâ dongje e a cjessi la glain.

No jè stade batae pal Friûl tai ultins 30 agns che Baracêt nol sedi stât in prime linie. Ancje a cost di jessi butât di bande dal so stes partit, ancjemò leât a un concet di stât centralistic e infetât di nazionalism. E cussî ancje sul front de autonomie e di un discors gnûf in cont de nestre regjon, dulà che si è fat di dut e di plui par dispiardi il Friûl e la sô identitât. Baracêt zaromai al viodeve clâr. Za dal 1983 lu disè a «la Vite Catoliche» che bisugnave proviodi a une diviarce organizazion regionâl, cu la provincie di Triest di une bande e la Semblee dal Friûl (lis provincis di Gurize, di Pordenon e di Udin) di chê âtre. Un fat che al pâr che al torni di atualitât in di di vuê, magari par âtris resons.

Baracêt al è stât un grant pulitic furlan, che al saveve cjâlâ indenant cence svuarbadoris ideologjichis. Un pulitic vèr, che nol veve pore di scometisi e di scometi ancje la sô cariere pal ben de sô tiere, che nol veve pore di messedâsi cun la inteligence di int fûr dal so trop partit. Un pulitic judiziôs, che al saveve cjâlâ in muse la realtât ma cence pore di dreçâ il voli un tic plui lontan de ponte dal nâs. Un pulitic coragjôs che nol veve pore di bâtisi cuintri de impinion dai partits o dai podès fuarts, ma simpri cun sintiment.



Ta lis fotos: (parsore) una da lis ultims jessudis publicis di Baracetti, in Province, a Decembar, pai soi 80 agns; (a çampe) la cerimonie di cumiât tal cimiteri dai Rizzi.

Pardabon un galantom furlan che si merte il grazie di dut il popul furlan e ancje de Glesie furlane che lui al à simpri rispjetade, scoltade e cirude cuant che al sintive che bisugnave tirâ dongje dut il

Al saveve cjâlâ indenant cence svuarbadoris ideologjichis. Un pulitic vèr, che nol veve pore di scometisi e di scometi ancje la sô cariere pal ben de sô tiere, che nol veve pore di messedâsi cun la inteligence di int fûr dal so trop partit

popul furlan.

Sicheduncje un pulitic sclet e esemplâr, di cjoli speli di lui de bande dai pulitics di cumò. Une fortune pal Friûl.

Infin un ami di ringraziâ pe bitince vivude insiemit, pal rispjet e pe considerazion simpri doprâts e pal jutori mai dineât tai moments plui gravis di cualchi lote in pro dal Friûl. Cun Gjo Arnalt.

DUI LI CUARNAL



Codroipo), il 27 dicembre 1931, Baracetti era stato consigliere regionale dal 1968 al 1976, e poi deputato del Pci dal 1976 e al 1987. Figura di spicco della politica locale, scrittore, Baracetti era stato il «regista» della legge per la ricostruzione in Friuli dopo il sisma e aveva ispirato la legge per l'istituzione dell'Università del Friuli. Anche la legge 482/1999 per la tutela della lingua e cultura friulana porta la sua firma.

lane. Sicheduncje, a la fin, mi à confidât une volte a mi: «Jo prime o soi furlan e dome podaspò comunista». Une cuestion antropologjiche che mostre cemût che lis ladrîs de identitât culturâl a son plui fuarts di cualsisei ideologie pulitiche o di âtre nature.

Soredut daspò il taramot Baracêt si lassâ cjapâ drenti de cuestion furlane, che prime a vevin tirade indenant i autonomists tanche Marchet o Marchi, Tessitori e D'Aronco, e podaspò Placerean e âtris. Baracêt no si lassâ incea de ideologie marxiste e/o comuniste. Al cjâlâ in muse la realtât e al resonâ. Sicheduncje al capi e miôr di âtris che il taramot nol jere dome una grande disgracie ma al podeve diventâ il dret par indreçâ la storie furlane, par saltâ fûr dal palût dal sotsvilup economic e culturâl che al veve caracterizât i ultins cent agns de storie dal Friûl. E al cjapâ su lis rivendicazions dal popul furlan, chês de Glesie taramotade. In Parlament al

La comemorazion oficiâl di Roberto Dominici

«Mandi grant autonomist»

Cjarissim Arnalt, Cuntune vore di marum tal cûr, nô amis dal Comitât pe Autonomie e il rilanc dal Friûl, il to Comitât, o sin cul cunvignûts par dimostrâti il nestri ingropât salut e par diti un grazie sintût, sincir e profont, pal tô impegn simpri salt e mai strac di lavorâ pal Friûl.

La tô vite, e je simpri stade dal dut dedicade ae comunitât tai diviers nivei di impegn public che a van, come una volte si usave, dal Consei comunâl al Parlament, passant pe Regjon.

O ricuardin la tô azion pe ricostruzion post-taramot, il to agj, adun a ducj i nestris parlamentârs, che in chê ete a savevin fâ scure cence pierdi la lôr identitât politiche, par otignî i fonts dal Stât e par dâ vite a chel virtuôs e maraveôs model di ricostruzion da ducj judicât pusitif. O ricuardin il to impegn, a fin che la ricostruzion no fos dome fisiche ma ancje ocasion di svilup. O ricuardin il to supuart ae istituzion de Universitât dal Friûl, volude dal popul in mût ustinât, e che tu tu as volût che nasess cuntune precise finalitât leade ae realtât furlane.

O ricuardin lis tôs iniziativas parlamentârs che daspò, concludût il to mandât a son ladis a finî te leç su lis areis di confin e te leç dal ricognossiment de lenghe furlane tant che lenghe minoritarie storiche.

Tornât, tant par dile cussî, ae vite normâl, no tu ti sês mai mettût a polsâ, parcè che il ripôs nol jere di sigûr une tô carateristiche. Tu âs cjapât chel to impegn autonomist che al jere simpri drenti dite e che intun ciert moment ti à puartât, come che tu stes tu lu ricuadavis, a risolvi il vincu associatif partitit.

Al jere il 8 di novembar dal 2005 cuant che, a front des dificoltais de politiche nazional e regionâl, cun te tant che animadôr, o vin burit fûr un apel pe autonomie e il rilanc dal Friûl. Un an dopo o vin tignût tal salon dal Cjistiel di Udin, une vore cjariat di storie, la Assemblee Costituent dal Comitât e tu tu sês stât simpri «magna pars». O ài ancjemò denant ai voi la imagjin di te che tu presentavis la soluzion final dai lavôrs, daspò aprovade par aclamazion, come che o ài ancjemò limpide la imagjin dal abraç fra te e il President Napolitano in ocasion de sô penultime visite a Udin.

Dentri al Comitât tu âs dât verementri tant, cu lis tôs intuizions, cul to agj, cu la tô capacitât di vuiddâ, cul to jessi in relation cu lis realtâts plui diferentis, cui tiei scrits. Simpri lucit te analisis e te propueste, simpri presint a lis riunions e simpri puntuâl, anzit

simpri prime. No tu sês mancjât nancje tal prin periodi de malatie, ancje se chest ti costave una vore di fadie. Tu rivavis cuntun piçul biliet che al ti servive di olme par chel che tu vevis di di e fâ. No tu detavis il verp. Tu proponevis lis cusionis che tu tignivis impuartantis. Tu savevis, daspò scoltâ les opinionis di ducj a dal confront al saltave fûr la linie che si lave daûr. Tu âs simpri desiderât, e nô cun te, il dialic cu lis categoriis economichis, cu lis fuarcis sociâls, cul mont dal associazionism cun lis istituzions. Dut chest si è realizât.

Tu vevis un ricuart particolâr pe Glesie furlane. O mi inpensi che i nestris incuintris cui Vescûi de nestre diocesi. A colp tu disevis che no tu jeres un crodint ma che tu ricognossevis ae Glesie il merit di batis pes grandis causis dal Friûl e no tu mancjavis di sburtâ l'ûs de nestre lenghe tes funzions religiosis.

Cuant che la cause dal Friûl lu domandave no tu vevis pôre dai ostacul. Tu frontavis dut e ducj. Tu jeres determinât. Pal Friûl, tu disevis, chest e altri parcè che tu, o zontî jo, dal Friûl tu jeres innamorât e dal Friûl tu ses stât un protagonist apassionât in dutis lis batis che, piçulis o grandis, tu âs ducj i disvivi cûl cûr. La tô zornade e jere

lungje e començave cu lis telefonadis di matine buinore. Al è merit to, de tô ripetude insistence in sede parlamentâr, se finalmentri, daspò, tante spiete, e à vût lûc la sperimentazion, cumò sierade, de trasmissions Rai in lenghe furlane. La lenghe. Come element principâl di identitât, ti à simpri viodût a so stegn ancje in sede regionâl cuant che je stade fate buine la leç di valorizazion e di tutele che a spiete ancjemò une concrete aplicazion. Tu âs simpri comandât la concretece cun rivuart ai problemis frontâts. E chest al è rivât te numerose ativitât puartade indenant che va de Universitât ae organizazion dal teritori ae economie.

Une cuestion che ti à simpri preocupât e je chê istituzionâl. Bisugnave difindi e valorizâ la specialitât de Regjon che, tu disevis, al cjate fondament vuê ancje te pacifiche coesistenza di ben trê minorancis. Pe sistemazion de Regjon, tu zontavis, al è rivât il moment dal trasferiment des funzions amministrativis al sisteme de autonomie.

Arnalt al crodeve intun gnûf autonomism o, miôr ancjemò, intun autonomism modern che nol ponte a spaccaduris dal teritori, ma al autoguvier dai teritoris in clâf amministrative, valorizant cussî le «specificitât» locâls che a

son une ricjece, e no un intop al svilup. Cuant che daspò tu ti sês batût, in mieç a dificoltais e prejudizis, pe la costituzion de Assemblee des Provinciis Furlanis che tu tu viodevis cuâl organism par frontâ i problemis interprovinciâi. Tu âs simpri volût un Friûl fuart te sô identitât e mai sierât in se stes. A ti, cussî ancje a nô, ogni tant si sintive un tic di amarece pe pocje atenzion dal moviment politic sui cantins dal autonomism. Ma daspò tu concludevis disint: bisugne là indenant istès. Tu sintivis l'impegn come una mission.

Nô, Arnalt, ti vin considerât simpri, come una persone impegnade te vite publice. Ma tu, no tu jeres dome chest. Tu tu as vût simpri una grande sensibilitât pe tô famee: la femine che cui fis ti è stade simpri dongje in particolâr tal timp de malatie. O ricuardi la tô preocupazion par jê cuant che no stave tant ben, e tu tu fremevis par la sô salut. Ae famee o disin gracies par vèlu liberât di ogni compit in mût di consentiti un impegn politic cussî alt. Ae famee o esprimin i sens dal plui profont corot da ducj i amis dal Comitât e di ducj chei che a an operât e colaborât.

A ti Arnalt, cun grande amicizie e stime, o disin, dal profont dal cûr il nestri «mandi».

Mandi grant autonomist furlan.

**IL COMITÂT PE AUTONOMIE
E PAL RILANC DAL FRIÛL**